



Premio **Estatal** de la **JUVENTUD**

●●●●● 2020 ●●●●●



CHIAPAS
GOBIERNO DEL ESTADO

INSTITUTO
DE LA JUVENTUD



CHIAPAS
GOBIERNO DEL ESTADO

Ta sventa ti xvinaj ti oy ep sbalil chkiltik li abteletik tspasik li chex kerem tsebetik ta Chiapae, yu'un ja' ti k'u xa sjalil abtejemik talel, ti k'usi xtojobik spasel, ti chak' ta yo'onton ti yabtelik xchi'uk ti lek stalelik ta x'abtejike lek tajmek ta x'ilatik yu'un li buch'utik ja' xchi'iltakik ta vok'ele, ja' yu'un ti jech chk'ot ta pasel taje sk'an xal ti ja' jun koltael ti k'usitik tspasike, sventa xmeltsaj jkuxlejaltik ta jujuntal xchi'uk ti oyuk xa k'uxi xu' jtatik ti k'usitik xijkuxiutik oe; li ajvalil ta kosilaltik Chiapae ti ja' skajanojbe ta sba li Snail abtel sventa chex kerem tsebetike (Instituto de la juventud) xchi'uk noxtok sventa yak'obil ta ilel ti chk'ot ta pasel yu'un ti k'usitik yaloj ta Xchapanel li smeltsanel kosilaltik Chiapae (plan estatal de desarrollo) 2019-2024, eje 2 Lekilal sventa komon krixchanoetik (Bienestar social), komon politika (política pública) 2.3.1 chex kerem tsebetik ta lekilal xchi'uk ti jmoj cholol xchi'uk li objetivos de desarrollo sostenible ta agenda 2030 yu'un ONU:

TA STAK TA IK'EL

Li chex kerem tsebetik jchiapanekoetik, organisasionetik yu'un chex kerem tsebetik, vinikiletik ta abtel, j'abtelanej balumiletik, popular xchi'uk empresarial, snail abteletik sventa jtuneletik yu'un krixchanoetik, chanobjunetik, kolejioetik, asosiasionetik yu'un buch'utik tsutsem xchanunik, ajvaliletik ta munisipioetik, dependensiaetik xchi'uk entidadetik yu'un li administrasion publika ta estado, skotol ti snail abteletik ti li' yak'oj sbaik ta kosilaltik Chiapa, ti xak'ik ta na'el ta stojolal instituto sventa juventud ta yosilal Chiapa, ti mi oy buch'u mi buch'utik na'bilik ti snupin xch'amik li **"Premio estatal de la juventud 2020"**, jech k'ucha'al chapanbil li li':



CHIAPAS
GOBIERNO DEL ESTADO

INSTITUTO
DE LA JUVENTUD



BASEETIKE

I.- KATEGORIAETIK XCHI'UK DISTINSIONETIK

Li chex kerem tsebetik jchiapanekoetike xu' stik' sbaik ta cha'chop:

- **Kategoria A:** ta 12 k'alal 17 (mu xu' mi mu'yuk to staoj 12 xchi'uk mi ech'em xa ta 17 jabil k'alal 31 yu'un disiembre ta 2020).
- **Kategoría B:** ta 18 k'alal 29 sjabilalik (mu xu' mi mu'yuk to yich'oj 18 xchi'uk mi ech'em xa ta 29 jabil k'alal 31 yu'un disiembre ta 2020).

Xu' stsakan sbaik buyuk junukal li ta 8 ta chope, ta jujuntal o chchap sbaik jayjayvo':

- 1) abtelaletik yu'un xchanel vun xchi'uk sventa ti k'usi abtejebaletik ja' to chlok'an talele.
- 2) Yak'el ta ilel nichimal abtelaletik xchi'uk yantik
- 3) Buch'utik tskoltaik krixchanoetik
- 4) Xchabiel osil balumil
- 5) Abtelaletik sventa ti k'usitik chich' lok'esele
- 6) Sventa ti buch'u abol sba vok'eme xchi'uk ti oyuk lek xch'amelik ta komon krixchanoetike.
- 7) Buch'utik chak' sk'obik sventa li spasbenal li politikae xchi'uk li tuk'il abtel yu'un j'abtel jpatanetike.
- 8) Stsatsubtasel li stalel xkuxlejal bats'i ants viniketike

1) abtelaletik yu'un xchanel vun xchi'uk sventa ti k'usi abtejebaletik ja' to chlok'an talele.

Chex kerem tsebetik ti toj lek spaso yabtelik ech'emik talel ta jvok' abtelal ti ja' sventa li buch'utik chchanbeik sk'oplal li chan vune, li yojtikinel p'ijilale xchi'uk li smeltsanel ach' abtejebaletike, ti oyuk sbalil



ti k'usi tspasik sventa li krixchanoetike jech k'ucha'al: li spasel yabtelal li yojtikinel p'ijilaetike, ti svinajesel vunetike, yak'el muk'tik lo'il ta epal krixchanoetik, konkursoetik sventa li xchanelvune, estudios curriculares, lo'iletik, jelbel bail xchi'uk k'usitik yantik, produksyon teknolojika, investigasyon espesialisada xchi'uk abtelaletik ti nitilik sventa li yak'el ta Ojtikinel xchi'uk produksyon yu'un siensia xchi'uk inovasion..

● 2) Yak'el ta ilel nichimal abtelaletik xchi'uk yantik

Chex kerem tsebetik ti ojtakinbil yabtelik sventa smuk'ibtasel, yak'el ta Ojtikinel xchi'uk spojel li Nichimal abtel xchi'uk li talel kuxlejalile, ti yak'el ta Ojtikinel li xnichimal abtelike skoltauk sba sk'ulejajesel li yepal talelal kuxlejaliletik ta kosilaltik Chiapae, ti nitiluk sk'oplalil li ta jayib ta chop abtelaletik li'e: arte plastika xchi'uk visual, arte esenika, arte aplikada, arte literaria, arte interactivo, medio yu'un komunikasion, yak'el ta Ojtikinel abtelaletik sventa jalavel xchi'uk ts'isomajel ti ja'uk tstunik ti abtejebaletik nopem xka'itike, jech noxtok k'ucha'al li ach' jolobiletik xchi'uk ts'isomiletik ti tskolta sbaik stsatsubtasel xchi'uk sk'ulejajesel li jlumaltik Chiapae.

● 3) Compromiso Social y Derechos Humanos.

Ta xich' ak'bel chex kerem tsebetik, ti buch'utik oy k'usitik staojik xchi'uk ich'bil ta muk' yabtelik yu'un ja' ti chak'ik ta ojtikinel xchi'uk chchabiik li yich'el ta muk' jch'iel jk'opojeletike, ti yak'oj sk'obik xchi'uk spasojik abtelaletik ti lek batem ta pasel yu'unik yu'un ja' ti oy ta yo'ontonik skoltael krixchanoetik ti buch'utik oyik ta abolbaile, ti staojbeikuk smeltsanobil li k'opetik ta xkuxkejalike ta slumalik sventa ti xlekubuk li yutsil xkuxlejalik li jnaklejetik taje, ta spasbenaltak k'ucha'al li'e: investigasion, abteletik yu'un j'ak chanunetik, yak'el ta na'el ju'ebaliletik ti muk' sk'oplal ta stojolal krixchanoetike, stsatsubtasel li organisasionetik ti tskoltaik krixchanoetike, observatorio ciudadano, yich'el ta muk' bats'i ants viniketik, krixchanoetik ti abol sbaike, minoria



religiosas, ti buch'utik talemik ta yantik lumetike, VIH/SIDA xchi'uk ti jeltos snopbenal sventa li chi'inejbail ta vaye.

● 4) Xchabiel osil balumil

Ta xich'ik ak'bel li chex kerem tsebetik ti buch'utik oy spasojik jalil abtelaletik sventa ti xk'uxubinel xchi'uk xchabiel li osil balumile, ti ja'uk tstunik ti stael ta nopel, reskate, xchabiel, k'elbil k'u no'ox sba chich' tunel, xchabiel xchi'uk smuk'ibtasel li jeltos osil balumiletike, ti teyuk tsakal venta li sk'eel xchi'uk yabtelanel li k'usitik skomenaltak xae, sventa ti tuk'uk no'ox xjel batel ti jkuxlejaltike.

● 5) Abtelaletik sventa ti k'usitik chich' abtelanele

Chex kerem tsebetik ti yak'ojbeik lek yipal abtel ti ja' yabtel stukike, ta jeltos ti butik xu' staik tak'ine, sk'an xal ti ja' li k'usitik xtojobajik o spasel xchi'uk ch'iesel abtelaletik ti xlok' venta ti k'usi chich' pasele xchi'uk ti mu'yuk tsokes ti osil balumile, ja' abteleetik k'ucha'al: spasel xchi'uk stik'el snail abteleetik ti oy k'usi tey tsmeltsanike, bik'itik xchi'uk muk'tik abtelaletik yu'un jk'ulejetik, ti chak'ik ti oyuk abtel sventa buch'u tsa' abtele, chanubtasel ta abtel, yak'el proyektoetik ti chak'uk ti oyuk mas k'usi xlok'e, ti oyuk ep sbalil ta xkuxlej krichanoetik xchi'uk ti oyuk mas tak'ine.

● 6) Sventa ti buch'u mu'yuk ts'akal snopben o sbek'tal vok'eme xchi'uk ti xch'amelik ta komon krixchanoetike.

Chich'ik tsakel venta li chex kerem tsebetik ti yu'un oy spasbenal yu'unik xchi'uk ti mu xla'yo'ontonik ta abtel ti tskoltaik krichanoetike, ti ojtikinbilukiky'u' ja' ti yak'ojbeik yipal abtel xchi'uk chak'ik ti oyuk avilal sventa xp'ol ti ich'bail ta muk' ta komone xchi'uk ti nakauk sk'upintik ti lekil kuxlejal ti yantik chex kerem tsebetik ta jeltos abteleetik xchi'uk ti k'usitik sk'an pasel ta jteklumaltike.



● **7) Buch'utik chak' sk'obik sventa li spasbenal li politikae xchi'uk li tuk'il abtel yu'un j'abtel jpatanetike.**

Chex kerem tsebetik ti jal xa iyak' sk'obik chkoltavanik smuk'ibtasel ti spasbenal li politikae, jech k'ucha'al sjulesel ta jolil, xchanel xchi'uk ti k'usitik lek ono'ox cha'iik xk'ot ta pasel sventa stsatsub sk'oplal ti ta sjam smeloluk xich' t'ujel ti j'abteletike, ti ja'uk tsots sk'oplal li mu'yuk k'ope, ti xchapajuk ta lo'il no'ox ti k'usi sk'an chapanele, ti jna'tikuk sts'ikel ti k'usi mu'yuk lek chkilbe jbatike, oyuk ich'bail ta muk', ti jmojuk tsobolutike; ti ja'uk yikobik li smeltsanel k'usitik sk'an chanel, sa'bel sk'oplal ti k'usitik mu to xich' na'ele, abteletik, k'usitik yich'oj xa vinajesel, k'usitik yich'oj xa ak'el ta ilel ta krixchanoetik, ti sjelikuk kuxlejal yu'un ja' ti tsots sk'oplalike.

● **8) Stsatsubtasel li stalel xkuxlejal bats'i ants viniketike**

Abelaletik ti tskolta sbayak'el ta ojtikinel ti buch'utik ja'ik li ants viniketike, li sk'elel xchabiel, ti lekuk oyik xchi'uk li skomon meltsanel xkuxlejik ti jeltos bats'i ants viniketike, manchuk mi jun no'ox yajval ti buch'u jech ta x'abteje o mi stsoboj sbaik li ta jayvok' sbelel li'e: sk'uxubinel sbats'i k'opik, spojel xchi'uk yak'el ta ojtikinel stalel xkuxlejalik, yich'elik ta muk' ti k'u sba nopem xa'iik kuxulike xchi'uk ti sju'ebal yu'unik xch'amel li yantik tael kuxlejale, taje ma'uk sk'an xal ti tskomtsanik li k'u ono'ox x'elan stalelike.

II.-YORAIL XCHI'UK K'USITIK MATANALETIK OY

A) Li stsakel ta vun propuestaetike tey ta xju' ta yavil li Instituto de la Juventud del Estado de Chiapas, tey xkom ta Vulevar Angel Albino Corzo yototal 1800, ta yutil jteklum xkom, C.P. 29000, ta Tuxta, Chiapa; ta xlik jch'amkutik k'alal xlok' li takel ta ik'el li'e xchi'uk ja' to mi imake, ta sk'ak'alil Yernex 30 yu'un noviembre ta jabil oyutik, ta 14 ora. Mu'yuk xa ta xich' ch'amel vunetik mi ech'em xa ox ta yoraile.



B) Li Instituto de la Juventud del Estado de Chiapas, ta xak' ta ojtikineli ta spajina web xchi'uk ta sred sosialtak li buch'utik ispasik kanal li Premio Estatal de Juventud 2020 xchi'uk ta xich'ik sa'el li chex kerem tsebetik ti ispasik kanale.

C) Li ak' matanal jech ta xju' k'ucha'al li'e:

KATEGORÍA A: Li buch'utik ispasik kanal ta kategoria li'e, ta xich'ik jun yojtakinobil (reconocimiento), li'e ja' chak' li bankilal j'abtel ta Ejecutivo del Estado xchi'uk \$15, 000.00 yepal tak'in (jo'lajun mil peso 00/100 M.N.).

KATEGORÍA B: Li buch'utik ispasik kanal ta kategoria li'e, ta xich'ik jun yojtakinobil (reconocimiento), li'e ja' chak' li bankilal j'abtel ta Ejecutivo del Estado xchi'uk \$30, 000.00 yepal tak'in (lajuneb xcha'vini mil peso 00/100 M.N.).

III.- SVENTA LI BUCH'UTIK TSTSAKAN SBAIKE

A) Sventa buch'u tstik' sbi li ta Matanal ta Jlumaltik Chiapa sventa Chex Kerem Tsebetik 2020 ta junukal li vaxakib ta chop buy xu' stsakab sbaike, sk'an ti jchiapanekootuke ta avok'ele mi mo'oje ti ta 5 xa jabil li' nakalote, ti mu'yukuk to ataoj amoton sventa chex kerem tsebetik ti oy xa ak'bil ono'oxe, ti lapalotuk li ta sjabilal ta 12 k'alal 29 jabile ta 2020, ti lekuk ojtikinbilot skoj ti lekik abtel k'usitik apasoje, ti j'ik'vanejukot ta lekil kuxlejal yu'un li yantik chex kerem tsebetike xchi'uk ti chakolta aba sjelel ti kosilaltik Chiapae .

B) Li krixchanoetik xchi'uk jutsob krixchanoetik ti tstik' sbiike ja' no'ox me xu' stik' sbaik ta jchop ti jaychop oy sbelel albil xae xchi'uk ja' jech chk'ot ta pasal k'u ono'ox sba albil ti sjabilalike.



C) Ti mi jech jtsob krixchanoetik ti buch'utik ispasik kanale, li sjabilalik buch'utik stik'oj sjunike sk'an me ta yutil oy ti ta 12 k'alal 29, jech k'ucha'al albil ono'ox ta takel ta ik'el li'e.

Li matanal albil xae ta xich' ak'beel li buch'u t'ujbil ta bankilal yu'unik ti jtsob krixchanoetike.

Sventa xich' na'el buy jvok'ukal sbelel ch-ochik li jtsob chex kerem tsebetik ti jeltos sjabilalike, ja' chich' tsakel venta sjabilal ti buch'u ja' ep xa sjabilale. Ti mi lek xa tsakal ta Ajvalil sk'oplal ti stsoboj sbaik jvok' krixchanoetik, ja' me chich'ik tsakel venta skotolik ti buch'utik Ochem sbaik ta sjunal pasbile.

IV.- SVENTA LI CH'AM VUNE

A) Sventa xich' k'anel li xch'ambel sjunik li buch'utik ttsakan sbaik ta jujuntal o mi stsoboj sbaik ta stojolal li Snail abtel yu'un chex kerem tsebetike ta Chiapae, sk'an me xich'ik batel li vunetik yich'oj k'anel ti jech cholol k'ucha'al li'e:

- Sjunal li abtelal chich' ak'el ta ojtikinele takbil batel ta jbainej abteletik yu'un li xchapanbel sk'oplal xchi'uk yak'bel stu li k'usi chich' pasele, ti ja tstak batel junuk nail abtel yu'un j'abtel jvu'el o ma'uk, ti mi jech mu'yuk stsakanoj sbi ta slikebale, xu' xich' ak'el tuk' xa no'ox, sk'an tey tsakal ti k'u cha'al ja' x'och ta sk'ob ti Matanal ta yosilal Chiapa yu'un ti chex kerem tsebetik 2020;
- Sjunal Ch'amel sventa xu' stsake venta xchi'uk mi jech yorae, ta xch'am ti matanale;
- Sk'an me sts'ibaik o'loluk ta jk'ol vun (ti mi jutuke) ti slo'ilal yabtel spasoj ti buch'u tstik' sbi stuke, xchi'uk slo'ilal k'u sba abtejemik ta komon ti mi oy stsoboj sbaik jayvo' ti tstik' sbiike.



- Jun sjunal yak'obil ta ilel ti slok'obinel matanale, ask'an me xak' skotol ti k'usitik vunal chk'anbate.
- Abtejebaletik k'ucha'al ts'ibabil vunetik, lok'obbailetik, lok'oletik xchi'uk k'usitik yantik ti stak' xtun sventa yak'obil ta ilel ti ja xuch' xich'ik ti matanale.
- Jun sdiskoal yak'obil ta na'el, junetik, xchi'uk jun lok'obbail ti 3 minuto no'ox yepal sjalile, ti buy chalik li li'e: biil, jabilalil, slumal buy vok'em xchi'uk jun sbik'it lo'ilal ti k'usitik spasojike.
- Skopyail sjunal vok'elal (acta de nacimiento)
- skopyail krerensyal
- skopyail sjunal stuk'il naklebal (comprobante de domicilio) ti mu'yukuk to ech'em 3 u smolile.
- Skopyail kur (CURP)
- Sjunal stsaklebek ta ajvalil ti mi oy xa jlom lek chapal sk'oplal ti bu tsobolike
- Sjunal ti xu' xich' chajel k'elel ti vunetik chich' ak'ele.
- Ti mi ma'uk jchyapanekoote sk'an me xavak' batel sjunal ti li' xa nakalot oy xa ta jo'ob jabile;

B) Ti abtelaletik ti snupinik o ti tstaik li Matanale, sk'an xal ti chanbil ti k'u yelan ch-abtejike.

C) Li nail abtel yu'un chex kerem tsebetik ta Chiapae, ta to xchaj lek ta k'elel li junetik, xchi'uk ti skotol k'usitik iyich' k'anel sventa ti sk'eluluk ti xu' stsaki sbiike, ti xchapiuk yu'unik skotol ti k'usitik tsk'an li Takel ta ik'el li'e.

D) Ja' stuk li snail abtel li' ti ta sk'el lek mi melel o mi jutbil ti k'usi chich' ich'el batele, ja' yu'un chak'be to xchapan lek li jbainej abteletik yu'un li xchapanbel sk'oplal xchi'uk yak'bel stu li k'usi chich' pasele.



V.- SVENTA LI JBAINAJ ABTELETIK YU'UN LI XCHAPANBEL SK'OPLALE

A) Li Nail Abtel yu'un chex kerem tsebetik ta yosilal Chiapae, ta sva'an jun jbainej abteletik yu'un li xchapanbel sk'oplal xchi'uk yak'bel sbalil li k'usi chich' pasele, ti buch'utik' tik'ajtike ja'ik krichanoetik ti lek ojtakinbilik skoj ti lek xchi'uk tuk' x'abtejike, ja' ta xchanik tsk'elik li vunetik chak'ik li buch'utik tstik' sbiike.

B) Li Snail abtel li'e, ta yorail no'ox ta xak' li junetik ta sk'ob li jbainej abteletik yu'un xchapanobil xchi'uk yak'bel sbalile (Comité de Dictaminación y Validación) xchi'uk ta xkoltaeik xchi'uk li recursos humanos y materiales sventa lekuk spas ti yabteliike.

C) Li xchapanobiltak chak' li jbainej abteletik yu'un xchapanobil xchi'uk yak'bel sbalile oy me sbalil ti mi ja' ep ilok' svinikike.

D) Li jbainej abtel yu'un xchapanobil xchi'uk yak'bel sbalile xu' me xal ti MU'YUK CHICH' AK'EL li Matanal albile, ti mi ja' jech lek cha'iike, ta spasbeik lek sjunal ti k' yu'un jech ispasike xchi'uk ti mu xa me xu' xcha'jelike.

E) Mu me junuk krixchano xu' stik' sba ta bainej abtele yu'un xchapanobil xchi'uk yak'bel sbalil ti me stik'oj sjun sventa tsk'an li Matanal ti oy jaychop sbelele.

VI.- STUNEL LI VUNETIK CHICH' AK'EL BATEL TA JUJUNTALE

A) Ta skotol ono'ox li stunel li vunetik chich' ak'el batel ta jujuntale, li Snail Abtel yu'un Chex Kerem Tsebetik ta Yosilal Chiapae, sk'an me sk'el li smantalil sventa li k'usitik chich' pasele, ti tuk'uk no'ox xju'e, ti jamaluk xalbe sk'oplale xchi'uk ti skajanuk lek ta sbae.



B) Ti k'u x'elan chich' pukbel sk'oplal li k'usitik laj xa yich' alele, sk'an me jech xich' pasel k'ucha'al yaloj smantalil sventa smukel li k'usi chich' ak'ele (Politica de privacidad) svinajesoj li Sbats'i Pajina li Nail Abtel yu'un Chex Kerem Tsebetike (Página oficial del Instituto de la Juventud), ja' tey stsakoj yikob ta skotol ora ti k'usi albil yu'un li Legislación Federal y Estatal, ti k'u sba smelol, ta sventa li xchabiel li k'usi chich' ak'ele ta jujuntale, x'ilbaj xchi'uk jamalsbelel sventa tispukel mantale (Protección de datos personales, Transparencia y acceso a la información).

VII.- VII.- YANTIK K'USITIK TSOTS SK'OPLAL

A) A) Li vunetik xchi'uk k'usitik yan jtuneletik ti chich' takel batel ta Snail Abtel yu'un Chex Kerem Tsebetike, ta sventa li Matanal ta Yosilal Chiapa yu'un Chex Kerem Tsebetike (Premio Estatal de la Juventud 2020), xu' xich'ik sutesel k'alal to 31 yu'un xlaichaebal u (diciembre) ta 2020, ech'em xa ox sk'ak'alil li yak'el li Matanale, sk'an me ts'ibabil xbat sjunal sk'anobil yu'un li buch'utik stik'oj sbiike; mi ilaj ti yorail taje, li svunik li buch'utik stik'oj sbiike ta xich' ch'ayel, ja' no'ox mo'oj li svunik buch'utik iyich' smotonike, yu'un ti vunetik taje ta xich' komel li Snail Abtel li'e.

B) Ti k'usitik mu xich' na'el lek li ta sjunal takel ta ik'el li'i, ta xich' chapanbel sk'oplal lek yu'un li jbainej abtel yu'un xchapanobil xchi'uk yak'bel sbalil (Comité de Dictaminación y Validación).

MI CHAK'AN CHAJAK'BE YAN SK'OPLALE

Snail abtel yu'un kerem tsebetik ta yosilal Chiapa
Direksion yu'un orientasion xchi'uk inklusion
Vulevar Angel Albino Corzo yotolal 1800, c.p. 29000, Tuxta,
Chiapa. Ch'ojon tak'in: 01 (961) 61 866 01
Koreo elektroniko: ijech@ijech.chiapas.gob.mx





JUVENTUDES DE CORAZÓN.



CHIAPAS
GOBIERNO DEL ESTADO

INSTITUTO
DE LA JUVENTUD

Premio Estatal de la
JUVENTUD
●●●● 2020 ●●●●